

اسلام مجبوری

مسلمانلرک فائده سنه چالیشیر

اون بش کونده بر حیقار

صافی: ۶۳ — ۲۲ محرم ۱۳۲۷ — ۳۰ تشرین اول ۱۳۳۴ میل: ۴

ابدال

بعض حدیث کتابلریله تصوفه عائد کتابلرک همان هپسندده کوریلان ابدال حقننده وقتیهلہ اجرا ایتمش اولدیغمز برتقی بو کره بروجه آتی قید ودرج ایدره رز. ابدالک تعریفی: (ابن اثیر) ک (نہایه) سندہ حضرت علی (ر، ع) دن مروی اولان شو: « ابدال ہشامدہ اولوب بونلر اولیای کر آمدن اهل عبادت ذاتلر در . » صورتیله اولان تعریف بوبابده اولان اک ایلک تعریف اولمقلہ برابر اک طوغری واک ایلسیدر .

امیر المؤمنین حضرت علی (ر، ع) دن صکرہ ظهور ایتمش اولان لغت واشتقاق اربابی علوم ولغت عربیہلہ اک زیاده واقف اولان بو ذاتک سوزنی تجاوز ایتماک لزومی درک ایتوب بونلر حقننده کونا کون تعریفلر وجوده کتیرمش بوبابده کی آثار واحادیث ایچون [صحیح اولدقلری جای نظر اولمقلہ برابر] درلو درلو غریب تفسیر وتاویللر ایجاد واختراع ایتشلر در .

مثلا بونلردن (ابن اثیر) حضرت علیک (ر، ع) ((الابدال ...)) دیه باشلایان یوقاریکی کلامی کندیلکندن: احوالک مفردی حمل [کسرہ ایلہ] ویا احوالک مفردی حمل [فتحہ ایلہ] اولدینی کبی بونکده مفردی بدل ویا بدل درکهری اولنجه دیکری آنک یرینه بدل اولمسیلہ بونام ایلہ تسمیہ اولنشلر در، دیشدر ..

صاحب قاموس وشرحی تاج العروس ولسان العرب وصحاح صاحبلریله ابن درید وابن السکیت دخی عین نغمہی ترنم ایدیورلرسده بر کره بونی رد ایتماکله برابر جاہیر لغویونک قسم اکثریسی واصحاب حدیث و سیر نبویہ وسیرانیہ اربابی بوکلمہنک مفردی اشرافلہ مفردی شریف اولدینی کبی (بدیل) در دیمکله برابر ابدال ایلہ عین معناده برده (بدلاء) بولمسنی، اشرافدن دخی (شرفاء) بولمسنه قیاس ایلہ بر دلیل اطراد ایراء ایدرلر. (ابن اثیر) وسائرہنک اوچنجی بر مثال بولمیه جقلری مذکور سوزلری بونک قدر قوتلی اولماقلہ

برابر برده بو مؤلفك « بری اولنجه دیکری آنك یرینه بدل اولمسی » دیه
کوستردیکی وجه تسمیه دخی (ابدال) لفظنك حرف ظاهرندن آلمش اولوب
هیچ براساسه مسند دکادر .

کرك محدث کرك لغتچیلردن احتیاط ایله حرکت ایدنلر ایسه حضرت
علینك (ر ، ض) کلامیله اکتفا ایله شرح و تفسیره تصدی ایتماملردر .
(طیبی) (شرح مشکاة) نده (الابدال بالشام والنعباء بمصر والمصاب
بالعراق) حدیثی شرحنده (وهم الاولیاء والعباد) دیوب حضرت علی (ر ، ض)
دن آلمش اولدینی بوکلامدن صکره اختیار سکوت ایشلدر .
ابن شعیل (اساس البلاغه) سند زحشری دخی امام علی (ر ، ض)
نك قولنی عیناً نقل ایله اکتفا ایتمشلدر .

ابدالك اصلي ومعنای: علمانك بوکله نك مفردی وجه تسمیه سی حقه کی
عدم اتفاقری نهدن نشاة ایدیور . . .

بو قاریده کورلدیکی وجه اوزره بردقمه بونلر جناب علی (ر ، ض) نك
بیورمش اولدینی (هم الاولیاء والعباد) تفسیری تجاوز ایدنجه لسانی برنقطة
استناد آرامش لر عر مجده مفردی کرك بدل [کسره ایله] و کرك بدل
[فتحه ایله] اولسون بوکله ده اصلا عبادت و ولایت معنایی بولاما ینجه بری
اولنجه دیکری آکا بدل اولمق و سائر کبی کرامتلر ایجادیلر بو بوشلغی تاملامق
ایستمشلدر .

حالبوکه عرب مجده (ب ، د ، ل) ماده سندن برصفت اولان بوکله نك مفردی
بولنان (بدیل) ده بو عبادت و ولایت معنایی مفقود ایسه ده عربجه نك اصلي
(فرعی) اولان عبرانیده انقطاع و یتوت و اعتزال معنایرفی افاده ایدن [۱] ماده سنه
کوره (بدیل) ك دنیا دن کسيلمش ، ناسدن آریلمش و وجه کریم الهی یی

(*) (سفینه رغب) ده ایسه (شیخ نصیر بن الفتح) ك بونلرک یکدیگر لرندن بدل
دکل : اهل ارضك عصیانلری سببیه مستحق اولدقاری عذاب کندیلریله دفع اولنق ایچون
انباوا صاحب کرامك مهاجر بن وانصارندن اولان صدیقین و شهدادن بدل اولدقاری سولیش
اولدینی مسطور اولوب صرف ظاهره استناد ایدن بوناویل ایچون (ابن اثیر) قدر بو ذات
دخی شبهه سز حقیلدر .

[۱] مقاله نك اصلنده عبرانیجه حرفلرله یازیلی بر کله واردر . م . ا .

ارضا ایچون انسانلردن انفرادہ اعتزال ایتیش و سائرہ کبی معناری واردرکہ
تمامیلہ حضرت علی (و ، ض) نك بیوردینی کبی عابد و ولی معناسنه اولور
و هیچ برتاویله محل قالماز . و یاخود عربجهده عین معنادہ یعنی جناب حقہ
عبادته حصر نفس ایتیش اولان قادین حقنده مستعمل ہتونہ کلمہ سی واردرکہ
بوندن فعلیل و زنندہ کی (بتیل) دخی ارکنکہ ویرلمش و بالآخرہ (تاء) دن
(دال) ابدال اولمشدرکہ بو حالده دخی غریب غریب برطاقم تاویلرہ حاجت
قالماش اولور .

ابدال حقنده کی مناقب : بونلر حقنده بعض حدیث و تصوف کتابلرنده
برجوق روایتلر واردر . (کتاب الحیر الدال علی وجود القطب والواتادوالنجباء
والابدال) صاحبی سیوطی کبی بونلر حقنده مستقل اثرلر وجودہ کثیرنلرده
اولمشدر .

استانبولمزدہ باصیلان (رسائل ابن عابدین) مجموعه سنده دخی بوذاتک
(اجابۃ الغوث بیان حال النقباء والنجباء والابدال والواتاد والغوث) نامندہ
بررسالہ سی کوریلیر .

بونلرک عددلرنده اتفاق اولیوب سیوطی مذکور کتابنده قرق کشی
اولدقلرینی ویکرمی ایکسینک شام و اون سکزینک عراقده اولدینی و ایچلرندن
بری اولنجه دیگر برکیمسہ نك بونک یرینی طوتدینگی روایت ایدر . دیگر
بر عنعنہ سبیلہ بونلرک قرق ارکک و قرقی قادین اولمق اوزرہ سکسان کشی
اولدقلرینی سویلیر .

داها برجوق روایتلر ایله بو عددی تزئید و تنقیص ایتدیکی کبی جملہ سی
حقنده منقہلر ذکر و ایراد ایدر . صوفیہ ایسہ ابدالی یدی اوله رق قبول
ایدرلر . سید شریفک تعریفاتنده صوفیہ نك صورت تلقیلری مفصلاً کوریلیر .
بونلرک تاثیریلہ (ابدال) کلمہ سی حتی بر آلائی سرسملره اطلاق اولنہ رق
عالم اسلامک هر طرفنده کوریلکده در . ایرانلیلرده (دیوانہ خدا) و تورکلرک
(آنا) و (طور لاق) دیدکاری بو آدملر هیچ بر زمان هیچ بر بردہ اکسینک
دکلدر . سلف و صدر اسلامده بونلر موجودمی ایدی؟ هر نه قدر (ابو نعیم)

حلیه سنده و ابن عساکر تاریخنده و طبرانی معجمنده بونلره دائر حدیثلر نقل و روایت ایتیشلر ایسه ده (ابن تیمیه) نك (الفرقان بین اولیاء الرحمن و اولیاء الشیطان) نده سویلدیکی وجه اوزره بونلرک عدی بولندقلری محللر و نجات و اوتاد و اقطاب حقنده رسول ذیشان افندمزدن مروی هیچ صحیح بر حدیث اولمادیکی کبی سالفک دخی بوبابده هیچ برسوزلری یوقدر . حضرت علی (ر ، ض) دن مروی یوقاریکی (الابدال . . .) دخی حدیث منقطع اولوب غیر ثابتدر .

مع مافیله هیچ بر مکان و عدده و بویله بر تشکیلات روحانییه منحصر اولمقسزین عبادته حصر نفس ایتیش م ذواته صرف بوزهدو عبادتلی حسبیله (ابدال) دنیلکه مساع لغوی وارددر .

مدرسلدن : شرف الدین

دارالحکمة الاسلامیه نك بیاننامه سی مناسبتیله

امضا یرنده (دارالحکمة الاسلامیه) یازیلی بیاننامه سی مجموعه لردن برنده اوقودم . بردفعه اوقومقله کلاشیله مدی . تکرار تکرار اوقودم . ینده ا کلایه مدیغ بعض نقطه لر قالدی . بیاننامه هیئت مجموعه سی اعتباریله اوزون بر مقدمه ایله مقصددن تشکل ایتیمکده در . مقدمه خطوط اصلیه سی اعتباریله شویله مسئله لری احتوائیدیور : ۱) وجدان اجتماعی مسئله سی . اجتماعیا تحیلرک وجدان حقنده کی نظریه لری بیاننامه نك بیل کمکنی تشکیل ایتدیکنندن بو نظریه نك آز چوق ایضاحه لزوم کوریلشدر . عینی زمانده نظریه ایله اصل مقصد آراسنده کی تماس نقطه سی کوسترمک اوزره (دین مطلق) ک ملتارک - یعنی دینی وسار حرث عناصرنده وحدت بولونان انسانارک - وجدان اجتماعیلرینی اشعار ایدن (مبادی کایه) دن عبارت اولدیغنی سویله یی حقیقه ده قریب کورمک احتیاجی دویولمشدر . شونی ده علاوه ایدم - اسلام مجموعه سی بومبادی کایه نك قران کریم لساننده (عرف) ایله تعبیر ایدیلکده اولدیغنی تخمین ایدیور ، ظننده سم . یالکمز وجدان عمومینک تجلیاتندن عبارت اولوب عرف ایله تعبیر ایدیلن